



OLLSCOIL NA GAILLIMHE

UNIVERSITY OF GALWAY

**ROINN NA GAEILGE
OLLSCOIL NA GAILLIMHE**

LEABHRÁN EOLAIS

**AN CHÉAD BHLIAIN SA GHAEILGE
2025-26**

Roinn na Gaeilge

A chara,

Fáilte romhat go dtí Roinn na Gaeilge anseo in Ollscoil na Gaillimhe. Tá súil agam go mbainfidh tú taitneamh agus tairbhe as do thréimhse anseo san Ollscoil, agus tá súil ar leith agam go n-éireoidh leat a bheith linn anseo i Roinn na Gaeilge as seo go ceann trí bliana.

Tuigim go maith go bhfuil go leor eolais faoi ghnéithe éagsúla de shaol na hOllscoile á chur i do láthair na laethanta seo, ach san am céanna ba mhaith liom míniú beag a thabhairt duit ar an gcúrsa Gaeilge atá anseo againn sa Chéad Bhliain.

Seo a leanas na sonraí is tábhachtaí faoin gcúrsa sa Chéad Bhliain:

1. Beidh **dhá léacht** agus **trí rang teagaisc (trí huaire an chloig) sa teanga** agat gach seachtain.
2. Beidh dhá mhodúl ar siúl in aghaidh an tseimeastair ag formhór na mac léinn:

Seimeastar 1: An Teanga Bheo (NG1105), Litríocht agus Cultúr na Linne (NG1106).

Seimeastar 2: An Teanga Bheo (NG1105), Scéal agus Pobal na Gaeilge (NG1110).

3. Má tá BA Connect ar siúl agat, roghnóidh tú dhá mhodúl: NG1105 **agus** NG1106 **nó** NG1110.

Tá sé an-tábhachtach freastal ar do chuid léachtaí, gníomhaíochtaí, ranganna agus seimineár agus ar do chuid ranganna teagaisc teanga ar fad.

Tá sé an-tábhachtach, chomh maith, taitneamh a bhaint as do thréimhse ollscoile agus as saol na gcumann – molaimid duit clárú leis an gCumann Gaelach nó an Cumann Drámaíochta – ach tá sé an-tábhachtach freisin do chuid oibre a dhéanamh sna ranganna teagaisc gach seachtain mar comhaireann an obair scríofa sna ranganna sin don mheasúnú leanúnach sna scrúduithe. Ar an gcaoi chéanna, tá sé an-tábhachtach do chuid aistí a dhéanamh in am mar is cuid den scrúdú iad sin freisin.

Is fiú go mór duit an Ghaeilge a dhéanamh mar ábhar acadúil san ollscoil. Tá réimse leathan postanna ar fáil do chéimithe Gaeilge anois, ó phostanna ‘traidisiúnta’ mar mhúinteoireacht nó an tseirbhís phoiblí agus earnáil na Gaeilge agus na Gaeltachta i gcoitinne, go dtí postanna dúshlánacha, nua-aoiseacha mar iriseoireacht, cúrsaí margáíochta agus cumarsáide srl. Ina theannta sin, le feidhmiú Acht na dTeangacha Oifigiúla, agus leis an stádas atá anois ag an nGaeilge mar theanga Eorpach, beidh fás mór i líon na bpostanna nua spéisiúla a dteastóidh ardscoiléanna Gaeilge iontu, m.sh., aistriúchán, ateangaireacht, riarachán srl.

Más spéis leat na cúrsaí seo a phlé liom, is féidir scríobh chugam ar an ríomhphost ag ailbhe.nicgiollachomhaill@ollscoilnagailimhe.ie, nó coinne a dhéanamh liom le labhairt ar Teams más maith leat. Go n-éirí go geal leat.

Is mise,

Ailbhe

An Dr. Ailbhe Nic Giolla Chomhaill
Comhordaitheoir 1BA

Leabhrán Eolais

An Chéad Bhliain sa Ghaeilge

Clár an Ábhair

Sonraí Teagmhála Roinn na Gaeilge	...	...	...	...	...	4
Lucht Teagaisc na Chéad Bhliana	...	...	...	...	...	5
Clár ama na Chéad Bhliana	...	...	...	...	...	7
Dátaí agus Modúil Chúrsa na Chéad Bhliana	...	...	...	...	...	8
Marcanna do Mhodúl na Teanga	...	...	...	...	...	9
Measúnú Leanúnach: Treoir do Mhic Léinn	...	...	...	...	...	10
Freastal ar Ranganna	...	...	...	...	...	11
Polasaí na Roinne maidir le Spriocdhátaí agus Measúnú Leanúnach...						13
An Chéad Bhliain sa Ghaeilge: An Siollabas	...	...	...	...	...	14
NG 1105 An Teanga Bheo 1 agus 2	...	...	...	...	...	15
NG1110 An Áit agus a Scéal	...	...	...	...	...	16
NG1106 Litríocht agus Cultúr na Linne	...	...	...	...	...	17
Foirm Chláraithe Aiste	...	...	...	...	...	18
Treoirlínte maidir le Scríobh Aistí	...	...	...	...	...	21
Bileog Stíle Roinn na Gaeilge	...	...	...	...	...	23



OLLSCOIL NA GAILLIMHE UNIVERSITY OF GALWAY

Roinn na Gaeilge Scoil na dTeangacha, na Litríochtaí agus na gCultúr Ollscoil na Gaillimhe

Oifig na Roinne: Seomra 215, Áras na Gaeilge
Guthán: 091 492564
Facs: 091 494522
Ríomhphost: fiona.depaor@ollscoilnagaillimhe.ie
Suíomh Idirlín: <http://www.universityofgalway.ie/gaeilge>

SONRAÍ TEANGMHÁLA don CHÉAD BHLIAIN SA GHAEILGE*

Ceann Roinne: **An tOllamh Ríona Ní Fhrighil**, BA, MA, PhD
Seomra: 205, Áras na Gaeilge, folíne: 2585
Ríomhphost: riona.nifhrighil@ollscoilnagaillimhe.ie

Riarthóir na Roinne: **Fiona de Paor**
Seomra: 215, folíne: 2564, líne dhíreach 091 492564
Ríomhphost: fiona.depaor@ollscoilnagaillimhe.ie

Comhordaitheoir 1BA: **An Dr Ailbhe Nic Giolla Chomhaill**
Seomra: 117, folíne: 5709, líne dhíreach 091 495709
Ríomhphost: ailbhe.nicgiollachomhaill@ollscoilnagaillimhe.ie

*Ná dean dearmad...

- Má dhéanann tú teagmháil le do theagascóir/léachtóir, cuimhnigh gur **comhfhreagras oifigiúil ollscoile** é sin. Ba chóir an meas cuí a léiriú agus tús agus críoch fhoirmeálta a chur leis an ríomhphost. (Mar shampla: *A Ailbhe, a chara, Is mise le meas, Diarmuid*).
- **Ba chóir gach teagmháil le baill Roinn na Gaeilge a dhéanamh as Gaeilge.** Seans nach bhfaighidh tú freagra láithreach bonn – cuimhnigh go mbíonn foireann Roinn na Gaeilge ag obair leis na céadta mac léinn gach seachtain agus ag díriú ar an teagasc agus ar thaighde chomh maith.

LUCHT TEAGAISC NA CHÉAD BHLIANA 2025/2026

An tOllamh Ríona Ní Fhrighil, BA, MA, PhD

Seomra: 205, Áras na Gaeilge, folíne: 2585

Ríomhphost: riona.nifhrighil@ollscoilnagailimhe.ie

Réimsí taighde agus teagaisc: Prós agus Filíocht an 20ú hAois; an Chritic Liteartha; an Litríocht Taistil; Teoiric an Aistriúcháin; an Teangeolaíocht Fheidhmeach.

An Dr Liam Ó hAisibéil, BA, MA, PhD,

Seomra: 217; folíne: 2578

Ríomhphost: liam.ohaisibeil@ollscoilnagailimhe.ie

Réimsí taighde agus teagaisc: Ainmeolaíocht - logainmneacha, sloinnte, ainmneacha pearsanta agus leasainmneacha na Gaeilge; litríocht, stair agus cultúr meánaoiseach na hÉireann; an Léann Ceilteach.

An Dr Jeannine Woods, BA, MA, PhD

Seomra: 212, folíne: 3960

Ríomhphost: jeannine.woods@ollscoilnagailimhe.ie

Réimsí Taighde agus Teagaisc: Inscne agus Gnéasúlacht, Teoiric an Taibhléirithe, Scannánaíocht, An Chritic Iarchoilíneach, Drámaíocht na Gaeilge, Litríocht na hImlirce.

An Dr Ailbhe Nic Giolla Chomhaill, BA, MA, PhD

Seomra: 117, folíne: 5709, líne dhíreach 091 495709

Ríomhphost: ailbhe.nicgiollachomhaill@ollscoilnagailimhe.ie

Réimsí taighde agus teagaisc: cultúr béil na Gaeilge; Cnuasach Bhéaloideas Éireann; traidisiún scéalaíochta na mban; an béaloideas agus an éiceolaíocht; tionchar na himirce ar an traidisiún béil; litríocht na gConallach.



OLLSCOIL NA GAILLIMHÉ
UNIVERSITY OF GALWAY

ROINN NA GAEILGE

AN CHÉAD BHLIAIN 2025-2026: AN CÚRSA

SEIMEASTAR 1

- (i) NG1105 *An Teanga Bheo 1*: Trí rang teagaisc sa teanga in aghaidh na seachtaine i seimeastar I. Socrófar na ranganna teagaisc ag tús an tseimeastair.
Ranganna le tosach an tseachtain dar tús 29 Meán Fómhair.

Modh teagaisc: Ar an gcampas

- (ii) NG1106 *Litríocht agus Cultúr na Linne*: Dhá léacht sa tseachtain.

Modh teagaisc: Ar an gcampas

SEIMEASTAR 2

- (i) NG1105 *An Teanga Bheo 2*: Trí rang teagaisc sa teanga in aghaidh na seachtaine i seimeastar II (grúpaí agus uaireanta mar a bhí i seimeastar I).

Modh teagaisc: Ar an gcampas

- (ii) NG1110 *An Áit agus a Scéal*: Dhá léacht sa tseachtain.

Modh teagaisc: Ar an gcampas

Tosóidh na **LÉACHTAÍ** Dé Máirt 16 Meán Fómhair 2025.

Tosóidh na **RANGANNA TEAGAIS** ar an Luan 29 Meán Fómhair 2025.

<https://www.universityofgalway.ie/gaeilge/micleinn-reatha>

TRÁTHCHLÁR: Seimeastar 1 agus 2

Seimeastar I 15 Meán Fomhair 2025 - 28 Samhain 2025
--

Léachtaí

Am **An Mháirt, 4.00-5.00 & An Chéadaoin 2.00-3.00**

Cúrsa **NG 1106 Litríocht agus Cultúr na Linne**

Cuid 1: 16 Meán Fómhair – 22 Deireadh Fómhair, 2025, (RNÍF)

Cuid 2: 28 Deireadh Fómhair - 26 Samhain, 2025, (JW)

Áit Téatar Fottrell (Seomra AM200, Áras na Mílaoise)

Léacht 1: An Mháirt, 4.00-5.00, Téatar Fottrell (Seomra AM200, Áras na Mílaoise)

Léacht 2: An Chéadaoin, 2.00-3.00, Téatar Fottrell (Seomra AM200, Áras na Mílaoise)

Léachtóirí: An Dr Jeannine Woods (JW) agus An tOllamh Ríona Ní Fhrighil (RNÍF)

An Prós Comhaimseartha

Seimeastar 2 12 Eanáir 2026 – 3 Aibreán 2025

Am **An Mháirt, 4.00-5.00 & An Chéadaoin 2.00-3.00**

Cúrsa **NG 1110 – An Áit agus a Scéal**

Cuid 1: 13 Eanáir – 18 Feabhra, 2026, (LÓhA)

Cuid 2: 24 Feabhra – 1 Aibreán, 2026, (ANGC)

Áit

Léacht 1: An Mháirt, 4.00-5.00, Téatar Choilm Uí Eocha (Seomra AM250, Áras na Mílaoise)

Léacht 2: An Chéadaoin, 2.00-3.00, Téatar Anderson (Seomra AC002, Foirgneamh na nDán / na hEolaíochta)

Léachtóirí: An Dr Liam Ó hAisibéil (LÓhA) agus an Dr Ailbhe Nic Giolla Chomhaill (ANGC)



ROINN NA GAEILGE

AN GHAEILGE SA CHÉAD BHLIAIN, 2025-2026: DÁTAÍ

Teagasc	Scrúduithe scríofa
Seimeastar 1: 15 Meán Fómhair – 28 Samhain 2025	8 Nollaig – 19 Nollaig 2025
Seimeastar 2: 12 Eanáir – 3 Aibreán 2026	21 Aibreán – 8 Bealtaine 2026

AN GHAEILGE SA CHÉAD BHLIAIN, 2025-2026: MODÚIL AN CHÚRSA

Cód	Modúl	Modh Scrúdaithe	Marcanna	ECTS
NG 1105	An Teanga Bheo (Seimeastar 1 & 2)	Scrúdú Scríofa Scrúdú Cainte Measúnú Leanúnach Cluastuiscint	400 200 140 60 Iomlán 800	10
NG1106	Litríocht agus Cultúr na Linne (Seimeastar 1)	Scrúdú scríofa	300 Iomlán 300	5
NG1110	An Áit agus a Scéal (Seimeastar 2)	Measúnú Leanúnach	300 Iomlán 300	5
Iomlán don bhliain			1400	20



Marcanna do mhodúil na Teanga, 1BA

NG 1105 An Teanga Bheo 1& 2 (Seimeastar 1 agus Seimeastar 2)

Scrúdú Scríofa	400
Scrúdú Cainte	200
Measúnú Leanúnach	140
Cluastuisctint	60

Iomlán 800

1. Meabhraítear don mhac léinn gur gá **PAS GLAN** a fháil sa modúl teanga. (Riail Ollscoile atá anseo a bhaineann leis na teangacha go léir.)
2. Ciallaíonn sé sin go bhfuil ort **ar a laghad 40%** a fháil sa **scrúdú teanga** ina iomláine. Ní féidir leat marcanna a chúiteamh ó mhodúl ar bith eile.
3. Mura mbíonn **PAS GLAN** agat in NG1105, beidh ort an scrúdú sin a dhéanamh arís i mí na Bealtaine/Lúnasa.
4. Is ionann an measúnú leanúnach agus na ceachtanna scríofa a dhéanann tú gach seachtain sna ranganna teagaisc. Tugann an teagascóir marc ar gach ceacht agus bunaítear an marc **iomlán** sa mheasúnú leanúnach ar **mheánmharc na gceachtanna go léir a bhí le déanamh agat agus ní ar na cinn a rinne tú**. (Féach an Córas Marcála don Mheasúnú Leanúnach thíos.)
5. Má chailleann tú ceacht scríofa, beidh tionchar diúltach aige ar do mheánmharc ag an deireadh. Mar sin tá sé thar a bheith tábhachtach go ndéanfa freastal ar GACH rang teanga agus go ndéanfa GACH ceacht in am.

An Córas Marcála don Mheasúnú Leanúnach

Bronntar marcanna ar an obair scríofa a dhéanann an mac léinn go leanúnach sna ranganna teagaisc teanga. Beidh an obair leanúnach seo le déanamh sa rang teagaisc féin agus lasmuigh den rang mar obair bhaile. 200 marc san iomlán atá ag du lar na tascanna, a leagfar isteach ar bhonn leanúnach i gcaitheamh an tseimeastair.

10 dtasc = 200 marc don bhliain

N.B. Ní féidir dul ar aghaidh go dtí an dara bliain i dteanga ar bith gan pas glan a fháil sna modúil teanga agus sna modúil litríochta faoi seach. Ní leor pas le cúiteamh chun dul ar aghaidh go dtí an dara bliain.

RIACHTANAIS AN CHÚRSA

Tá gach cúrsa **RIACHTANACH** do na mic léinn i ngnáthchúrsa na Gaeilge.

Moltar do mhic léinn freastal a dhéanamh **ar gach léacht** agus ar **gach rang teagaisc**.
Moltar do mhic léinn na ceachtanna uilig don mheasúnú leanúnach a dhéanamh in am.

Moltar do mhic léinn na haistí a dhéanamh in am.

Mura dtugann tú do chuid oibre isteach in am, ní bheidh ar do theagascóir glacadh leis. Tá baol ann go dteipfeadh ort sa chúrsa sa chás sin. Fút féin atá an fhreagracht cloí leis na spriocdhátaí



OLLSCOIL NA GAILLIMHE
UNIVERSITY OF GALWAY

MEASÚNÚ LEANÚNACH TREOIR DO MHC LÉINN

Tá na rialacha seo a leanas i bhfeidhm maidir leis an measúnú leanúnach:

- Clóscríobh gach píosa le spás go leith nó spás dúbailte. Cuir ar an ríomhphost chuig an teagascóir é faoin dáta a leagadh síos nó tabhair dó/di go pearsanta é sa rang teagaisc.
- Sna tascanna scríbhneoireachta, is gá cloí le líon na bhfocal (mura n-iarrfar a mhalairt, i gcás léamhthuisctí, mar shampla). Ní shaothróidh tú aon mharc breise má théann tú thar an teorainn focal sin ach caillfidh tú marcanna mura scríobhfar go leor.
- Coinneofar cuntas den fhreastal a dhéanann an mac léinn ar na ranganna teagaisc. Cuirfear timpeall rolla le síniú gach seachtain.
- Ní ghlacfar le hobair atá déanach gan cúis mhaith. Má ghlacann an teagascóir le hobair dhéanach ó mhac léinn amháin, beidh buntáiste éagothrom aige/aici ar na mic léinn eile. Cuirfear an riail sin i bhfeidhm ó thús na bliana. Níor cheart duit iarracht a dhéanamh an measúnú leanúnach ar fad a thabhairt don teagascóir ag deireadh an tseimeastair; ní ghlacfar leis sin ach an oiread.
- Má bhí tú tinn nó breoite, ba cheart duit teastas dochtúra nó teastas ó sheirbhísí comhairleoireachta na hollscoile a thabhairt d’Fhiona de Paor.
- Ná déan bradaíl. Má chóipeálann tú an mheasúnacht leanúnach ó fhoinsé éigin, gan aitheantas a thabhairt don fhoinsé sin, is bradaíl í sin agus is cion tromchúiseach í. Tá cur síos ar pholasaí na hollscoile faoin mbradaíl ar fáil sa lámhleabhar seo.
- **NB An dara suí do NG1105: Ní chuirfear an measúnú leanúnach san áireamh sa dara suí den mhodúl seo i mí Lúnasa.**

Freastal ar Ranganna

(1) Nuair a chláraíonn mac léinn ar chlár lánaimseartha ollscoile ciallaíonn sé sin go bhfuil 40 uair oibre sa tseachtain ar an iomlán le déanamh aige i ngach seachtain de gach seimeastar.

- Níl sna ranganna (léachtaí, ranganna teagaisc, etc.) ach cuid den iarracht iomlán a theastaíonn chun go n-éireodh leis an mac léinn.
- Cuirtear measúnuithe agus obair an chúrsa le chéile ar an tuiscint go bhfuil an mac léinn ag déanamh na hiarrachta is gá agus ní díreach ag clúdach an ábhair a rinneadh sna ranganna.
- Ba chóir don mhac léinn am a chur i leataobh ina dhialanna féin don staidéar, don léitheoireacht agus d'obair chúrsa i gcomhair an tseimeastair. Ní éiríonn go rómhaith le mic léinn ar an ollscoil a bhíonn ag brath ar dhianstaidéar a dhéanamh ag an nóiméad deireanach.
- Má dhéantar an iarracht seo éireoidh leis an mac léinn eolas agus tuiscint níos fearr a fháil ar a chuid ábhar. Beidh níos mó muiníne ag an mac léinn as féin, ní bheidh an oiread struis air le measúnuithe agus beidh sé níos ullmhaithe do na blianta atá roimhe amach.

(2) Nuair a chláraíonn mac léinn ar mhodúl nó ar chlár ollscoile ciallaíonn sé sin go ngeallann sé go mbeidh sé comhpháirteach, is é sin go mbeidh sé **i láthair ag gach rang**.

- **Tá tinreamh éigeantach** seachas roghnach. D'fhéadfaí breathnú ar neamhfhreastal mar tharraingt siar *de facto* ó chúrsa agus d'fhéadfaí gan an mac léinn a scaoileadh ar aghaidh chuig scrúduithe nó clárú ina dhiaidh sin.
- Chomh maith leis sin, íocann an Stát táillí an mhic léinn ar an mbunús go bhfuil sé comhpháirteach sna cláir a bhfuil sé cláraithe orthu.
- **Coinneofar cuntas ar an tinreamh i ngach aon rang.**
- Má bhíonn aon imní ar an mac léinn faoi chaighdeán an teagaisc nó an taithí foghlama in aon rang (nó in aon chuid dá mhodúil), ba chóir dó aiseolas a thabhairt trí na bealaí éagsúla atá ar fáil dó (mar shampla, ceistneoir an mhodúil, Ionadaithe Ranga, coistí idirchaidrimh) ionas go bhféadfaí aon fhadhb a réiteach nó a chur san áireamh, de réir mar is cuí. Ní chuirfidh neamhfhreastal ar ranganna fadhbanna den sórt sin in iúl.

(3) Tá roinnt **tacaíochtaí foghlama** ar fáil ar fud na hOllscoile, a bhfeileann a bhformhór do gach mac léinn. I measc na dtacaíochtaí atá ar fáil tá siad seo a leanas:

- Leabhrán Acadúil na Chéad Bhliana, ar fáil ag an nasc seo a leanas: [First Year Arts Academic Handbook 2025 2026.pdf](#)

- An tIonad don Scríbhneoireacht Acadúil – lonnaithe sa Leabharlann le tacaíocht ó fhoireann teagascóirí agus oibrithe deonacha. **Tá an tacaíocht seo le fáil trí mheán na Gaeilge chomh maith.**
- An tAonad Tacaíochta Matamaitice (SUMS) – lonnaithe in Áras de Brún.
- DISC – ionad buail isteach do thacaíocht le bogearraí/ríomhchlárú san fhoirgneamh IT.
- Oiliúint agus tacaíocht ón Leabharlann chun eolas a aimsiú, a mheas agus a úsáid go héifeachtach.
- Tionscnaimh de chuid Chomhaltas na Mac Léinn.
- Seirbhísí do Mhic Léinn, go háirithe ‘tréadchúram’ (e.g. comhairleoireacht, ciste cúnaimh do mhic léinn agus dóibh siúd atá faoi mhíchumas) agus comhairle faoi ghairmeacha.
- Deasc Eolais na Mac Léinn (SID) – táillí, oifigí tacaíochta, etc.
- Meantóir, comhairleoir acadúil nó scéimeanna ‘pobail ag foghlaim’ atá i bhfeidhm i roinnt Coláistí agus clár.

POLASÁÍ NA ROINNE MAIDIR LE SPRIOCDHÁTAÍ AGUS MEASÚNÚ LEANÚNACH

Is gá cloí le gach spriocdháta a leagtar síos d'aiste nó do mheasúnú leanúnach. Má leagtar isteach aiste nó measúnú leanúnach go déanach gan cúis mhaith, is é seo polasaí na Roinne:

- Bainfear 10% den mharc a bhronntar an chéad tseachtain nó cuid de sheachtain atá an obair déanach (m.sh. más 60% a thuill an obair, bainfear 6% den mharc);
- Bainfear 20% den mharc a bhronntar an dara seachtain nó cuid de sheachtain atá an obair déanach (m.sh. más 60% a thuill an obair, bainfear 12% den mharc);
- Bainfear 30% den mharc a bhronntar an tríú seachtain nó cuid de sheachtain atá an obair déanach (m.sh. más 60% a thuill an obair, bainfear 18% den mharc).
- Ní ghlacfar leis an obair ina dhiaidh sin.

I gcásanna eisceachtúla (m.sh. tinneas nó cúinsí pearsanta eile), is féidir síneadh ama a thabhairt do mhac léinn. I gcás mar sin, is faoin gComhordaitheoir Bliana a bheidh sé síneadh ama a cheadú.

- Is féidir leis an mac léinn na cúinsí a mhíniú do léachtóir, don Chomhordaitheoir Bliana nó do Choláiste na nDán, na nEolaíochtaí Sóisialta agus an Léinn Cheiltigh.
- Is gá don mhac léinn teastas leighis nó fianaise eile scríofa (más ann dó) a thabhairt don Choláiste le go gceadófar síneadh ama. Mura bhfuil fianaise scríofa ann, is gá dó/di an Coláiste a shásamh go bhfuil cás bailí aige/aici.
- Nuair a bheidh an Coláiste sásta go bhfuil leithscéal bailí ann, cuirfidh sé an Ceann Roinne agus an Comhordaitheoir Bliana ar an eolas. Ní shárófar rúndacht an mhic léinn má tá ceist rúndachta ann.
- Déanfaidh an Comhordaitheoir Bliana, i gcomhar leis an léachtóir más gá, socrú faoin síneadh ama ina dhiaidh sin agus cuirfidh sé/sí an mac léinn agus an Ceann Roinne ar an eolas ar an ríomhphost.



OLLSCOIL NA GAILLIMHE
UNIVERSITY OF GALWAY

Roinn na Gaeilge

BA sa Ghaeilge

An Chéad Bhliain

SIOLLABAS

NG 1105 An Teanga Bheo 1 & 2				
Bliain	Uaireanta sa tseachtain	Iomlán Uaireanta	Marcanna	ECTS
1BA	3	72	800	10
Comhordaitheoir an Mhodúil An Dr. Ailbhe Nic Giolla Chomhaill				
Torthaí na Foghlama Ar chríochnú an mhodúil seo beidh ○ Tuiscint bhreise ag an mac léinn ar na príomhghnéithe de ghramadach na Gaeilge ○ Breis muiníne ag an mac léinn as a c(h)umas Gaeilge, labhartha agus scríofa ○ Breis cumais ag an mac léinn sna scileanna éagsúla teanga (éisteacht, labhairt, tuiscint, scríobh).				
Míreanna an Mhodúil Ranganna teagaisc: trí uair an chloig sa tseachtain i Seimeastar 1 & 2				
Príomhthéacs Lámhleabhar an chúrsa (cuirfear é seo ar fáil do mhic léinn ag tús Sheimeastar 1). Léitheoireacht bhreise Mac Congáil, N. <i>Leabhar Gramadaí Gaeilge</i> . Indreabhán: (Cló Iar-Chonnachta 2002) Mac Congáil, N. <i>Irish Grammar Book</i> . (Indreabhán: Cló Iar-Chonnachta 2003) Mac Murchaidh, C. <i>Cruinnscríobh na Gaeilge</i> . (BÁC: Cois Life 2006) Ní Mhaonaigh, S. & Ó Dónaill, É. <i>Gramadach gan Stró!</i> (Gaelchultúr 2008, 2011) Tithe an Oireachtais <i>Gramadach na Gaeilge: An Caighdeán Oifigiúil</i> . Ar fáil J6739 Oireachtas Gramadach Book_FA.indb				
Foclóirí leictreonacha • https://www.teanglann.ie/ga/ • www.focloir.ie • www.tearma.ie • An Foclóir Beag – https://www.teanglann.ie/en/fb/				
Modh Seachadta	Ranganna teagaisc			
Teanga an Ranga	Gaeilge			
Seimeastar	1 & 2			
Modhanna Measúnachta	Scrúdú scríofa agus cainte, measúnú leanúnach, cluastuiscint			
Iomlán na Marcanna	800			

NG 1110 An Áit agus a Scéal				
Bliain	Uaireanta sa tseachtain	Iomlán Uaireanta	Marcanna	ECTS
1BA	2	24	300	5
Comhordaitheoir an Mhodúil An Dr Liam Ó hAisibéil				
Torthaí Foghlama Ar chríochnú an mhodúil seo beidh ar chumas an mhic léinn ○ Cuntas simplí a thabhairt ar thábhacht an dinnseanchais sa chultúr Gaelach. ○ Úsáid éifeachtach a bhaint as cartlanna agus acmhainní leictreonacha chun taighde a dhéanamh ar logainmneacha ina c(h)eantar dúchais. ○ Comparáid a dhéanamh idir téamaí an mhodúil mar a léirítear i scéalta béaloidis iad. ○ Anailís a dhéanamh ar shaothair litríochta agus béaloidis a bhfuil an áit agus an logainm lárnach iontu. ○ Nótaí a ghlacadh, trascriobh a dhéanamh ar ábhar cartlainne, agus córas tagartha aitheanta a úsáid go cruinn				
Míreanna an Mhodúil (i) An Dinnseanchas sa Chultúr Gaelach (ii) Logainmneacha i mBailiúchán na Scol (iii) Scéalta béaloidis agus logainmneacha (iv) Téamaí suntasacha sa scéalaíocht áitiúil agus sa litríocht.				
Téacsanna ○ Chun teacht ar acmhainní taighde agus léitheoireachta an mhodúil seo, tabhair cuairt ar leathanach <i>Canvas</i> an mhodúil, nó https://nuigalway.rl.talis.com/index.html agus cuardaigh ‘NG1110’ nó ‘An Áit agus a Scéal’ chun teacht ar an leabharliosta. Ní gá aon leabhar a cheannach don mhodúl seo.				
Modh Seachadta	Léachtaí			
Teanga an Ranga	Gaeilge			
Seimeastar	2			
Modhanna Measúnachta	Measúnú leanúnach i rith an téarma (100%) Is féidir teacht ar gach eolas maidir le measúnuithe an mhodúil seo ar Assignments ar leathanach <i>Canvas</i> an mhodúil seo. Cuirfear treoracha soiléire ar fáil duit ansin maidir leis na measúnuithe éagsúla don mhodúl seo.			
Iomlán na Marcanna	300			

NG 1106 Litríocht agus Cultúr na Linne				
Bliain	Uaireanta sa tseachtain	Iomlán Uaireanta	Marcanna	ECTS
1BA	2	24	300	5
Comhordaitheoir an Mhodúil An tOllamh Ríona Ní Fhrighil				
Torthaí na Foghlama Ar chríochnú an mhodúil seo beidh ar chumas an mhic léinn ○ cuntas a thabhairt ar bhuntréithe na gearrscéalaíochta sa Ghaeilge i scríbhinn ○ anailís a dhéanamh ar théacs liteartha ó bhéal agus i scríbhinn ○ úsáid a bhaint as an teicneolaíocht le cur síos a dhéanamh ar théacs liteartha ○ cur i láthair éifeachtach simplí a dhéanamh ar théacs próis nó filíochta				
Míreanna an Mhodúil (i) Nua-phrós na Gaeilge				
Téacsanna (i) Cuirfear téacsanna ar fail ar Canvas				

Modh Seachadta	Léachtaí	
Teanga an Ranga	Gaeilge	
Seimeastar	1	
Modhanna Measúnachta	Measúnú Scrúdú Scríofa (100%)	
Iomlán na Marcanna	300	



Ráiteas faoi Thasc a Leagan faoi Bhráid na Roinne

Líon isteach **gach cuid** den fhoirm seo agus cuir isteach í le **cóip chrua** na haiste.

Ainm an mhic

léinn:

Uimhir

aitheantais:

...

Teideal an mhodúil:

.....

Léachtóir an mhodúil:

.....

Teideal an

taisc:

.....

.....

.....

Líon na bhfocal (gan leabharliosta san áireamh):

Dearbhaím gurb í mo chuid oibre féin atá sa tasc seo agus:

✓

- | | |
|--|--|
| 1. Go bhfuil <i>Polasaí Sláine Acadúil</i> na hOllscoile léite agam agus go dtuigim é (féach an nasc: https://www.ollscoilnagaillimhe.ie/media/registrar/docs/QA220-Polasaí-Sláine-Acadúil.pdf). | |
| 2. Go bhfuil tagairtí cruinne agus iomlána (sa téacs féin agus sa leabharliosta ar chúl) tugtha agam i leith gach foinse (leabhair, irisleabhair, srl.) a úsáideadh sa tasc seo. | |
| 3. Go bhfuil córas tagartha aitheanta úsáidte go seasmhach agam (féach: https://library.universityofgalway.ie/studying/academicskills/). | |
| 4. Nár úsáid mé obair le haon mhac léinn/mic léinn eile gan an obair sin a aithint go follasach, nó nár leag mé an obair seo isteach faoi chló eile ar mhaithe le measúnú. | |
| 5. Nár fhostaigh nó nár lorg mé cúnamh ó sheirbhís ghairmiúil scríbhneoireachta chun an tasc seo a dhéanamh, nár bhain mé úsáid as intleacht shaorga (<i>ChatGPT</i> , srl.) lena scríobh, nó nach bhfuair mé aon chúnamh nár tugadh aitheantas dó. | |
| 6. Má tá na ráitis thuas ar ghlac tú leo bréagach, cuirfear tús le gníomh smachtaithe faoi Pholasaí Sláine Acadúil na hOllscoile agus faoi Chód Iompraíochta na Mac Léinn . | |

RÁITEAS:

Táim ar an eolas faoi *Pholasaí Sláine Acadúil* na hOllscoile, tuigim é, agus dearbhaím gur liomsa amháin an obair seo agus nach bhfuair mé cúnamh ar bith ina leith.

Sínithe: Dáta: / /

Beartas maidir le Bradaíl/Tagairtí a úsáid

- Is gá úsáid a bhaint as leabharliosta an mhodúil ar an gcéad dul síos in aiste ollscoile.
- Is féidir ábhar breise nach bhfuil ar an leabharliosta a úsáid ach is gá a chinntiú gur ábhar acadúil atá ann.
- Is gá a bheith an-chúramach faoi ábhar eile nach ábhar acadúil é a úsáid in aiste, mar shampla scéalta nuachta agus suíomhanna idirlín ginearálta a mbíonn tóir ag an bpobal mór orthu. Má tá amhras ort faoi fhoinsé, cuir ceist ar do léachtóir.
- Moltar do gach mac léinn polasaí na hollscoile faoin mbradaíl a léamh go cúramach: <https://www.universityofgalway.ie/centre-excellence-learningteaching/teachinglearning/academicintegrity/>
- Tá treoir faoi conas an bhradaíl a sheachaint ar fáil san acmhainn seo ón Leabharlainn: <https://libguides.library.universityofgalway.ie/Plagiarism>
- Caithfear úsáid a bhaint as tagairtí acadúla i ngach aiste a chuirtear faoi bhráid Roinn na Gaeilge. Is gá tagairtí a chur i dtéacs na haiste agus ag deireadh na haiste mar leabharliosta. Mura ndéanfar an dá rud sin, ní cheartófar an aiste agus d'fhéadfaí tús a chur le fiosrúchán bradaíola. Tá Bíleog Stíle Roinn na Gaeilge ceangailte leis seo mar eolas duit. Is ceart an Bhileog seo, nó córas aitheanta tagartha eile, a úsáid.
- Caithfear an leathanach clúdaigh seo a cheangal le gach cóip chrua a leagfaidh tú isteach. Ní gá go mbeadh sé san áireamh sa leagan leictreonach.

Treoirlínte maidir le scríobh aistí

Iarrtar ar mhic léinn na treoirlínte seo a leanas a leanacht agus aistí á scríobh acu:

- Ní foláir an **Leathanach Clúdaigh d'Aistí**, agus é comhlánaithe go cuí, a úsáid le gach aiste. Cuid bhunúsach den aiste an leathanach seo agus ní ghlacfar le haiste ar bith dá uireasa.
- Ní foláir gach aiste a fhágáil in oifig Roinn na Gaeilge faoin spriocdháta. Is í an aiste chlóschríofa an leagan oifigiúil den aiste. Ceadaítear leagan leictreonach den aiste a sheoladh chuig Riarthóir Roinn na Gaeilge fiona.depaor@ollscoilnagailimhe.ie mar chúltaca amháin. Bí cinnte go gcuirfear stampa ar d'aiste in Oifig Roinn na Gaeilge agus bí cinnte freisin go dtugtar admháil stampáilte duit ar an aiste.
- Ba cheart gach aiste a chlóschríobh le spásáil 1.5.
- Ná scríobh ach ar thaobh amháin den leathanach.
- Bí cinnte go bhfuil uimhir ar chuile leathanach.
- Fág imeall 2.5 cm (1 orlach) ar dhá thaobh an leathanaigh. (Tugann sé seo deis don scrúdaitheoir nótaí a scríobh.)
- Ná cuir clúdach plaisteach ná clúdach ar bith eile ar an aiste. Is leor na leathanaigh a cheangal le stápla amháin.
- Déan profáil cháiréiseach ar d'aiste sula gcuirfidh tú isteach í. Má bhíonn cúrsaí litrithe, gramadaí srl., i gceart rachaidh sé sin i bhfeidhm ar an scrúdaitheoir.
- Sábháil do chuid oibre ar an ríomhaire go rialta agus coinneigh ar a laghad dhá chóip de do chuid oibre ar dhiosca neamhspleách ar an gcóras ríomhaireachta. Is féidir do chóras ríomhphoist a úsáid freisin le do chuid oibre a shábháil – seol chugat féin í. Coinneigh cóip chlóschríofa de d'aiste freisin ar fhaitíos go gcuirfí amú an aiste a shíneann tú isteach.
- Bí cinnte go dtuigeann tú polasaí na hOllscoile maidir le bradaíl liteartha agus cloígh leis an bpolasaí sin i gcónaí. Tá cóip den pholasaí reatha sa leabhrán eolais seo.
- Lean córas aitheanta tagartha maidir le fonótaí, tagairtí do shaothair eile srl., agus cuir leabharliosta cuimsitheach le d'aiste. Tá cóip de **Stílbhileog Roinn na Gaeilge** sa leabhrán eolais seo.
- Bí cinnte go gcloíonn tú leis an spriocdháta do chuile aiste. Is é polasaí Roinn na Gaeilge go marcáiltear aiste atá mall mar seo a leanas: marc lúide 10%

d'aiste atá seachtain nó cuid de sheachtain mall; marc lúide 20% d'aiste atá idir seachtain agus coicís mall, marc lúide 30% d'aiste atá idir coicís agus trí seachtaine mall. Ní ghlacfar le haon aiste a bheas níos mó ná trí seachtaine mall agus is é neamhní an marc a bhronnfar ar an mac léinn don chúrsa a bheidh i gceist. I gcásanna eisceachtúla (m.sh., tinneas arna dhearbhu le teastas dochtúra) is féidir spriocdháta a chur siar le cead léachtóir an chúrsa nó le cead Cheann na Roinne.



OLLSCOIL NA GAILLIMHE
UNIVERSITY OF GALWAY

Roinn na Gaeilge

Bileog Stíle/Treoir faoi Thagairtí

***Nóta tábhachtach:**

Tá sé thar a bheith tábhachtach aon fhoinsé eolais a úsáideann tú a lua **i gceart** in aon phríosa oibre a thugann tú do léachtóir (aiste, tionscadal srl.). **Is féidir teip a thabhairt do mhac léinn nach ndéanann é seo, toisc gur bradaíl liteartha atá ann.** Cloítear mar sin leis na rialacha atá i bhfeidhm go ginearálta maidir le liosta leabhar/liosta foinsí Idirlín srl., a chur le chéile. Is é **Harvard** an córas a mholtar.

1. Tagairtí agus Píosaí Athfhriotail

Is iondúil go dtagraítear do thuairimí údar eile in aiste acadúil le tuairimí agus pointí eolais a léiriú. Nuair a bhaineann tú úsáid as **focail údair eile** i d’aiste féin, cuireann tú an fhoinsé in iúl mar seo a leanas:

Sampla [tagairt dhíreach]:

Tuigtear do Nic Eoin go bhfuil oiliúint an aistritheora le sonrú ar fhilíocht an Bhreathnaigh agus ar an tsainúsáid a bhaineann sé as focail:

Is ag plé go heolaíochtúil le focail a bhíonn an téarmaolaí agus an t-aistritheoir, á scagadh, á gcumadh agus á gceartú, á múnú, á n-ionramháil agus á roghnú ar mhaithe le cruinneas agus soiléire machnaimh agus cumarsáide. Sílim go dtagann cuid mhaith de thréithe na filíochta ag Colm Breathnach as an údarás teangeolaíoch sin atá ar a chúl. (Nic Eoin, 2010: 233)

[NB: Tá an sliocht thuas **eangaithe**, i gcló 10 agus tá spásáil shingil anseo. Níl uaschamóga in úsáid.]

Más amhlaidh go dtugann tú achoimre **i d’fhocail féin** ar a rud a dúirt údar eile (is é sin, mura bhfuil sliocht as a shaothar tugtha focal ar fhocal i d’aiste), cuireann tú an fhoinsé in iúl mar seo:

Sampla [tagairt indíreach]:

Áitíodh gurbh í íogaireacht na linne faoin duine agus an pobal ina maireann sé an tionchar idirnáisiúnta ba mhó a bhí ar an úrscéal nua-aimseartha Gaeilge ó bhlianta an chogaidh i leith (Titley, 1991: 520).

Gnéithe eile

Dátaí: Ba cheart iad a chur mar seo: 5 Meitheamh 2012. Scríobh ‘na caogaid’ in ionad ‘na 50í’.

Uimhreacha: Ba cheart na huimhreacha níos lú na 10 a chur i bhfoirm scríofa: ‘sé theach’. Nuair atá níos mó ná 10 i gceist, úsáidtear na figiúirí féin: ‘141 timpiste’. Nuair a bhíonn céatadáin in úsáid, scríobhtar ‘16 faoin gcéad’ sa téacs ach ‘16%’ i aon táblaí atá in úsáid agat.

Spásáil: Ba cheart go mbeadh spásáil 1.5 in úsáid tríd an téacs ar fad ach amháin i gcás tagairtí díreacha - spásáil shingil a úsáidtear sa chás sin.

2. Leabharliosta (Liosta foinsí ag deireadh an téacs)

- Cuirtear liosta foinsí ar fáil ag deireadh na haiste. Tugann an liosta seo eolas cruinn don léitheoir faoi na foinsí a d’úsáid tú leis an aiste a scríobh. Ba cheart na foinsí a chur i gcatagóirí éagsúla más cuí: foinsí clóite, foinsí neamhfhoilsithe, foinsí leictreonacha, cláir raidió agus teilifíse srl.
- Ba cheart go mbeadh eolas cruinn faoin údar (nó faoin eagarthóir), dáta foilsithe, teideal an tsaothair agus faoin bhfoilsitheoir.

2.1 Leabhair

Samplaí:

Ó Buachalla, B., 1996. *Aisling Ghéar: na Stíobhartaigh agus an tAos Léinn 1603-1788*. Baile Átha Cliath: An Clóchomhar.

Ó Ruairc, M., 1997. *Aistrigh go Gaeilge: Treoirleabhar*. Baile Átha Cliath: Cois Life.

O'Donnell, J. & de Fréine, S., 1992. *Ciste Cúrsaí Reatha*. Baile Átha Cliath: An Foras Riaracháin.

Titley, A., 1991. *An tÚrscéal Gaeilge*. Baile Átha Cliath: An Clóchomhar.

2.2 Ailt i Leabhair

Samplaí:

Mac Mathúna, L., 2003. 'Rannpháirtíocht sna Cúrsaí Difríúla Gaeilge ar an Tríú Leibhéal'. In: Ó Laoire, M. agus Ó Murchú, H. (eag.) *Teagasc na Gaeilge* 8. Baile Átha Cliath: Comhar na Múinteoirí Gaeilge, 48-59.

Denvir, G., 1997. 'Pádraic Ó Conaire agus Éire a Linne'. In: Denvir, G. (eag.) *Litríocht agus Pobal: Cnuasach Aistí*. Indreabhán: Cló Iar-Chonnachta, 61-76.

2.3 Ailt in Irisí/Nuachtáin

Samplaí:

Mac Conghail, M., 2003. 'Aer is talamh titithe ina chéile – aiste léirmheasa'. *Comhar*, 63(6), 3-7.

Holland, M., 1997. 'McAleese will give wrong message to Unionists'. *Irish Times*, 14 Deireadh Fómhair, 18.

2.4 Dán nó gearrscéal i gcnuasach

Samplaí:

Ní Dhomhnaill, N., 1998. "Na Murúcha a Thriomaigh". *Cead Aighnis*. An Daingean: An Sagart, 15.

Ó Conghaile, M., 2006. "Ar Pinsean sa Leithreas". In: Ó Conchubhair, B. (eag.) *Gearrscéalta na Linne seo*. Indreabhán: Cló Iar-Chonnachta, 215-27.

2.5 Foilseachán corparáideach nó rialtais

Samplaí:

Coimisiún na Gaeltachta, 2002. *Coimisiún na Gaeltachta: Tuarascáil/Report*. Baile Átha Cliath: Coimisiún na Gaeltachta.

Údarás na Gaeltachta, 2011. *Tuarascáil Bhliantúil agus Cuntais 2010*. Na Forbacha: Údarás na Gaeltachta.

2.6 Cláir Raidió agus Teilifíse

Samplaí:

Breathnach, P., 'Soiscéal Pháraic', TG4, 6 Samhain 2005.

Handy, C., 'The Open Mind', RTÉ Radio 1, 6 Samhain 1997.

Ní Dhonnchú, B., 'Adhmhaidin', RTÉ Raidió na Gaeltachta, 1 Márta 2002.

2.7 Agallaimh a rinneadh don taighde**Sampla:**

Ó Neachtain, J.S., 2013. Agallamh le Joe Steve Ó Neachtain, scríbhneoir, An Spidéal, 1 Meán Fómhair.

2.8 Cumarsáid phearsanta**Sampla:**

Ó Cuirreáin, S., 2012. Cumarsáid phearsanta le Seán Ó Cuirreáin, An Coimisinéir Teanga, 9 Iúil.

2.9 Tráchtais neamhfhoilsithe**Sampla:**

Burke, W. J., 1968. 'A Contribution to the Phonology and Lexicon of the Irish of East Cork'. Tráchtas MA neamhfhoilsithe, Coláiste na hOllscoile, Corcaigh.

2.10 Foinsí Leictreonacha**2.10.1 Ábhar ar an Idirlíon****Samplaí:**

Foras na Gaeilge, 2006. *Príomhfheidhmeannach nua ceaptha ar Fhoras na Gaeilge* [ar líne]. Baile Átha Cliath: Foras na Gaeilge. Ar fáil ag: <http://www.gaeilge.ie/foras/news/article.asp?id=159> (léite 15 Lúnasa 2006).

Ó Muirí, D., 2006. *Dúnmharú* [ar líne]. Gleann Cholm Cille: Beo! Ar fáil ag: http://www.beo.ie/2006-08/?page=cuinnne_na_nealaion&content_id=142 (léite 3 Meán Fómhair 2006).

2.10.2 Irisí leictreonacha**Sampla:**

Ní Chualáin, F., 2013. 'An Tumoideachas Tríú Leibhéal agus an Ollscolaíocht trí Ghaeilge: Eispéireas Foghlama na Mac Léinn'. *Léann Teanga: An Reiviú* [ar líne], 2013. Ar fáil ag: <http://leannteanganreiviu.oegaillimh.ie/node/141> (léite 1 Aibreán 2014).

2.10.3 Dlúthdhioscaí/Fistéipeanna/Dioscaí**Sampla:**

Quinn, B., 2004. *Splanc Dheireadh na Gaeltachta* [DVD]. Cinegae/Gael Media (feicthe 23 Meán Fómhair 2009).

**Leagan leasaithe:
Lúnasa 2025**